



畫舫齋詩三集卷一

一起戊寅正月
畫十二月



雲間王頊齡瑁湖著

戊寅元旦早朝書事

十年拜舞赤墀中今日班仍近侍同

舊制翰林講
讀學士俱隨

班在中和殿行禮後侍立太和殿
下向以殿工未成此制久廢今始復

嵩呼萬歲早巖廊鵠立五雲東春回鳳曆朝衫暖

今年立春在臘
日耀龍盤畫棟紅
殿新落成中間
金龍畫柱燦爛

奪廢祿獨慚無寸補棲遲敢望積薪通

朝元歌六首和麗雪崖韻

元會風和雉尾開千官鳴珮上蓬萊太平天子

真神聖航海梯山萬國來

其二

香案東頭早鬪班侍臣咫尺覲 龍顏分行恰傍

宮懸立身在鈞天廣樂間 侍立處多 陳列樂器

其三

三駕躬清絕塞塵呼韓稽首盡稱臣化行青海窮

西域共識中華有 聖人 時呼戶諾兒台吉來 朝即青海蕃王也

其四

王公玉陛兩班分次第成行鴛鴦羣五色繖開雙

扇合殿頭香氣結氤氳

其五

一官等濫在冬前又荷 恩綸侍講筵逐隊隨行

來賀翔髣髴白髮已華顛

其六

拂拭朝衫意惘然故人多少見飛鸞頭銜不改冰

條冷虛度春風已十年

新正五日華隱公凱雪崖東田慕懷蓉湖

丹壑小集寓齋東川芝田有他阻和雪

崖三日宴集韻答之

常年歲酒君先舉麕糲辛盤我後隨令序風光仍

未改故人歡會莫教遲
枝頭好鳥聲初換
簾外春暉景漸宜
小戶也拚同茗芋
逢時不樂亦何爲

其二

時清人樂踏歌齊
禁徹金吾曉夜迷
千點銀花光滿路
一痕春月印前溪
周郎豪興雄杯酒
沈令詼諧善滑稽
時東田與蓉湖互相善謔
獨有汪倫與楊子
同時養疾悵分携

和答雪崖小集寓齋韻

年光四度客金臺
家釀先因好友開
賓主迭爲連日飲
笙歌又逐看人來
盤餘臘味無兼品
壁映春日

燈似落梅未省周郎歸
太急諸君湧作小喬猜
來

有何爲周郎頻問夜句

春王十日 暢春園早集

五更趨別苑
星斗爛城西
馳道瞻龍尾
春風信馬蹄
遠山千疊翠
踈柳兩行齊
鵠立宮墻下
紅雲咫尺迷

孟夏望後二日宛平相國招集同人看花

豐臺次少司成張寄亭韻

清和風物望中新
早踏郊坰道少塵
荷葉田田浮水面
馬蹄得得看花人
藥欄鋪錦燕山景
櫻筍堆

盤吳苑辰誰似謝公開別墅不將獨樂却留賓

其二

十畝芳華眼底寬八窗踈豁一亭安高槐人映鬚
眉綠丹井泉流沆瀣餐露浥晨粧嬌玉砌風吹香
氣入雕闌翻堦不讓花王貌合佐元公清燕歡

其三

紅紫紛披天下無開尊那惜倒千壺朝霞映處光
同麗皓月來時影不孤消水風流差得似黃筌妙
手亦難圖鼠姑未許呼爲婢十二闌干護錦杼

其四

相公朝退却騶鈴爭擁籃輿過野庭一路山光如
罨畫十分花事未飄零舞裙色妬芳姿艷歌板風
回醉客醒何幸叨陪珠履後玉人麗草共娉婷

其五

山房踈野敞軒楹裴令原來有勝情密葉漸交雙
樹影流鶯初轉隔年聲名花盡日看難足好景當
前畫不成無那酒闌人欲散幾回惜別獨遲行

悼亡妾

薄宦相隨入帝州羈棲八口共離憂三年需次
多閑日賴爾敲枰忘客愁

時與對奕

其二

玉折珠枯淚泣然此生難見月重圓朝雲何事悲
彈指天女終離塵垢緣

東坡悼朝雲詩有彈指三生斷後緣句

其三

樹底殘紅滿綠苔傷心逝水去難回平生愛佩宜

男草那識明珠是禍胎

以產已

其四

簡靜韓公實我師鐵腸不作有情癡惟因老伴憐

通德難忘燈前擁髻時

韓魏公盡遣女樂同列勸其且留公曰所樂能幾何

而常令人心勞孰若吾簡靜之樂也

其五

留滯京華有五年時彈老淚泣啼鵲方悲嬌女還

孤櫬又痛清娛下九泉

時方送殤女櫬歸里

其六

金釵十二豈無人偏我孤鸞命獨屯三娶單身嗟

已酷區區絡秀不長春

上建詩云再經婚娶尚單身余則三矣

送令詒宗兄之官銅仁

葵榴花發景清和萬里之官去驛多棠蔭已看留

百粵

前令茂名

琴聲還欲化諸羅泉飛甘梗雙派別

泉分

清濁

山聳銅崖二水過

山屹峙大小銅仁江中

仙令才華真

可羨放衙無事獨高歌

午日同胡納言明經築巖叔圖焯圖娘兩

兒小飲盡舫齋

客中四度過端陽冉冉年華黯自傷
畫鼓龍舟思故里榴花苜葉儼他鄉
五綵難續佳人命兩鬢空添青鏡
霜漫把一尊酬令節聊同親串話風光

輓淮陰李繡持

繡持為同年
公凱難兄

淮南高士小山叢服食平生慕葛洪
友愛聯衾姜子共艱難扶襯庾公同
鶴歸遼海知何日星隕吳中數已窮
獨有淒涼憐哲弟嘹嘹孤鴈叫東風

夏至前二日同諸公齋宿院署即事

雙槐交影玉堂清夜靜稀聞鈴索聲
劉井水泉仍漑漑柯亭花氣自盈盈
北郊典肅黃琮盛西省人嗟白髮生
十載幾逢陪祀禮喜同寮友話昇平

龐雪崖將之官建寧屬題梅華道人畫

梅華道人畫神品風流太守政清閑
放衙啜茗時相對身在丹山碧水間

送龐雪崖出守建寧

千騎南方去朱轡領上游丹山終日對
香草四時幽題柱聲名舊塞帷政績優
閑來多著述數寄慰

離憂

其二

吾昔曾遊此無緣到武夷
幔亭勞想像玉女恨差池
良友今分守名山得主持
時清公事簡杖策日應之

其三

君有王濛癖常看七椀時
郡山多茗薜鈴閣鬪槍
棋治行應無忝風流已在茲
遙知閩嶠上到處滿題詩

其四

宦游同作客四載望衡居
刻燭時分韻看花每並
輿離雲多黯澹去馬亦躊躇
欲慰相思渴休令魚
鴈踈

長夏苦熱偃仰味歸軒中思故園作

何處能忘暑匡床竹塢安
門閑車馬少地僻藥闌
寬白日科頭睡青山對面
看故園饒水石消夏有
漁竿

送許蓼齋守郡黃州

臨臯亭畔雪堂中鈴閣初開
氣象雄到日群兒迎
道左過家千騎耀江東
梧垣諫草流傳舊麥穗謳

歌遠近同奏寂他年多異數烏衣應不媿門風

為同年許力
臣黃門令嗣

送朱柯亭之官襄陽郡丞

故人佐郡楚江隈勝地分符實壯哉
醉酒每扶山簡馬呼鷹時上景升臺
池荷沃眼迷征旆亭柳如眉映客杯
治行他年應第一鋒車早覩入蓬萊

勞書升銀臺以次君竹馬紀年冊索詩即

次高江村詹事原韻

慶協充閭自帝鄉德門奕葉覩重光
前身作佛稱金粟早歲能詩詠鳳皇
躋竈定知推法護將車

已見亞元方靈均當日庚寅降千載同符蘭蕙香

仲君庚日生小字庚屈子
庚寅降王逸章句謂日也

其二

我來京國送君歸惆悵三年踪跡違

春南還賦
詩送別

喜覩雙旌當久別相看兩鬢又驚希頭

龍分虎南方去時長君出
牧象州老鳳將雛碧落飛寂是

謝公庭樹美人間那復有芳菲

咏白鹿應令并序

青宮有白鹿一高數尺領小白鹿二其一即所產
也圖之於扇濯濯松石間傳

命詞臣賦之敬作七言近體古風各一章

瑤光散彩耀天衢瑞獸金方皓質殊色映雪花千
歲壽角含瓊玉七星符食苹共聽呦呦響求友爭
看濯濯趨聞說 聖朝崇孝治先呈白鹿應禎圖
嘗聞盛世多禎祥麒麟鳳鳥爭游翔又聞至德及
禽獸白鹿麋麋在靈囿此事由來艷簡編天庥協
應非徒然我

皇聖澤暢九垓萬姓樂育登春臺四靈為畜百獸
舞昆蟲咸若無驚猜 青宮仁孝頌

元良重潤重暉播樂章因之和氣感庶類瑞鹿呈
祥毛質異玉角高騰七曜文銅牌細勒長生字儻
儻羣友行追隨白石青松恣游戲啣草鳴麇娛上
林天和地德被恩深應同王母輸環使來獻禎符
億萬春

七月十七日雨後新涼偶作

三伏行將盡秋容漸可觀天涼人意爽暑退綵衣
乾紅蓼高於屋黃花蔓出欄四年嗟旅食空自老
長安

其二

獨坐小亭中亭虛對碧叢亞檐垂棗實傍砌響秋

蟲素月娟娟淨生衣楚楚同眼前新物色不覺又
涼風

壽憲副戴千巒先生令嗣奐若黃門余同年友也

高風安道傲王門說禮爭推太傅尊早向齊州持
玉節還看淮水建雄藩賢郎梧掖傳封事遺老香
山話酒罇海鶴仙姿登大耋百年長自荷 朝恩

閑窗

蕭寂真同野老廬竹床槌几興悠然閑窗景物清
秋麗小雨亭臺白晝眠滿地黃花金縷合一庭紅

夢珊瑚鞭還思此際鄉園裏早桂香浮絕可憐

仲秋感興

閑治小圃任生涯戲蝶娟娟撲幔斜爛熳秋花綠
石砌菁葱樹色過鄰家思鄉獨對南樓月懷古空
談萬里槎十載棲遲東觀老鬚髯衰髡冷霜華

羅繼峰大銀臺寓齋秋蘭一幹十枝一朵
九瓣作瑞蘭詩十首出以見示即和原

韻

服媚由來重國香紫莖綠葉汎晴光曾從太傅庭
中見又向銀臺室內芳

其二

約綽嬌姿淺澹粧花敷六出冠羣芳應知不作幽人佩獨秀當為王者香

其三

都梁嘉種自芬芳那有竒葩煥九章堪與黃筌作圖畫芝蘭奕葉表重光

其四

蘭林曾見陶潛賦藝畹先傳屈子章奏事更聞來漢殿尚書握裏有餘香

其五

吾家摩詰輞川莊綺石栽來異草芳千載風流誰得似高懷今復有君章

羅含庭中忽蘭菊叢生人以爲德行之感

其六

騷人咏物費平章秋菊春蘭各擅場記得誠齋詩句好紅牙亂吐碧花香

楊誠齋詩云雪徑偷開淺碧花冰根亂吐小紅牙

其七

重臺倚旒出都房襲襲清芬獨遠揚縱說並頭猶異朶同心那比此花芳

其八

秀質堪登君子堂清辭蘭藻一時芳滋培不忌當

門種擁護常留入室香

其九

任公臺裏賓僚聚內史亭邊泛曲觴佳話只今誰
繼美名花有意耀瓊芳

其十

茁茁蘭芽映錦堂龍孫鳳子慶方長當年七穆徵
佳夢應覩充閭兆此祥

秋日同曹慕懷史胄司兩學士周礪巖洗

馬徐子貞諭德萬柳堂偶集即事二首

相公遺構有莎廳嘯侶重來柳尚青縹緲層臺凌

絕磴沿洄一棹入幽汀壺觴自具無賓主身世休
論任醉醒日落西山始歸去六街燈火已熒熒

其二

孤亭突兀倚山椒一徑陂陀接畫橋搖蕩荻花看
舞雪空明藻影滑游鯨僧寮坐久諸天靜鴈字書
成碧落遙選勝正當秋景麗城南還擬重聯鑣

和周礪巖洗馬萬柳堂秋集韻四首

騎馬城東陌秋光更不同愛閑餘我輩選勝托諸
公流水斜陽外荒亭萬柳中相看幽意愜切莫去
匆匆

其二

潭水明如鏡烟波興未賒懷鄉憐棹曲

時談江鄉舟子夜唱

棹歌聲為之神往

隨地飯松花豈是愚公谷還同野老家

吾廬東海畔幽趣亦堪誇

其三

停橈依絕巘攀柝上孤亭翔鴈一行白西山數點

青壺觴欣偶集談笑信忘形莫惜樽前醉空教眼

獨醒

其四

巖鳥緣高下溪魚任泳游逢時開笑口散步得林

丘人指平泉木天橫白露秋吾徒真好事還作入

山謀

時有西山之訂

和史曹司學士萬柳堂秋集韻八首

得得霜蹄活活泥一壺清酒小童携秋光絕與閑

官稱直引遊踪到柳蹊

其二

行厨僧舍草堂鄰佳味登盤出錦鱗

時蓼懷礪巖各携嘉魚

飯罷臨流閑弄楫此身原是五湖人

其三

綠野蕭條景物涼曾隨謝傳到山堂不堪重踏西

州路衰柳依依出短牆

憶馮益都師也

其四

蘆荻花飛淺水濱
檝頭舡載玉堂人
秋波照影鬢
眉綠不染元規半點塵

其五

放眼平岡遠岫分
空林暮靄望氤氲
摩霄獨鶻凌
風健萬里青天無片雲

其六

溪流曲曲兩山間
只少漁莊足往還
何日歸帆向
南浦一竿踈雨蓼花灣

其七

醉眼迷離日又斜
老僧揖我餉清茶
劇談酒醒蒲
團上落葉蕭蕭噪暮鴉

其八

清泉白石致原幽
世事空嗟肉食謀
紫蟬堆盤黃
菊綻西風側帽作山遊

和徐子真諭德萬柳堂小集韻

仲秋霜露零雲物
致澄爽聯轡戒晨策
林杪日初
上木葉既微脫
天氣一何朗
振衣躡高臺
長嘯空
輒塊江莢搖洲渚
巖雲蕩書幌
雙童理輕舠
湖光

亦滄泱回權礙曲池舟橫亂蒲蔣游魚穿藻影宿
鳥驚林響宛在苔雲間烟波出蘭漿攜壺陟崇丘
素心愜幽賞感時共懷古高談闢榛莽脫帽藉草
眠聊且恣偃仰胡爲風塵中終日意恂恍尊鱸三
江肥及時鳴五兩

送同年荆念仁侍御假還丹陽卽和留別

原韻

送客秋高紅蓼天曲江同醉憶當年桓驄行處人
爭避陶徑歸來菊自妍北固江山朝對酒南徐花
月夜鳴舷懸知 聖主虛前席谷口鋒車聽早傳

九日携兒子圖焯圖娘鎮卽登愍忠寺高

閣時鎮卽方三齡

令節他鄉無伴侶却携稚子上層樓繡幢梵夾諸
天靜白鴈黃花滿眼秋但有山川聊極目捻無風
雨亦堪愁袞師竹馬能從我少長同爲半日遊

季秋同諸同館遊黑窑廠慈悲庵因至黑

龍潭祝家園卽事三首

城南多勝地幽寂是西偏野寺蒹葭外秋山夕照
邊眼中無俗客袖裏有新篇座客出新酌酒風亭
上烟光倍可憐

其二

龍潭遺跡古步屨且盤桓廢井銀牀塌荒池玉瓌
殘佩壺來野客祈雨宿祠官宗伯祈雨宿此何處堪登眺
危樓怯倚闌

其三

更與探幽去前林有祝園面城惟水閣藉草得高
原拍拍飛鳧起嘹嘹白鴈翻流連貪野趣絕似在
江村

少宗伯韓慕廬前輩出示所

賜御書薦志經學四大字命賦蒸跋卷後

薰風藹藹動椒除綈几瑤編自卷舒聞道 至尊

崇澹泊臨池惟愛永和書苑中齋名澹泊為德

其二

西清黃繖五雲中聽政餘閒染翰工鳳翥龍螭驚
墨妙淋漓絹素寫屏風唐太宗有屏風書

其三

雲烟落紙動盈箱 御墨流傳遍八方羲畫禹書
高萬古不教能事數鍾王

其四

奎章寵錫有輝光四字榮題下玉堂共說春卿稽

古力何須常侍笑登床

其五

江都正學尚沉淪揚子談經遇亦屯漫說西京文
治盛親揮宸翰賜何人

其六

典禮崇班簡命膺頭銜還帶一條冰品題宸得
君王眷不數明經有戴憑

其七

歐陽飛白紀恩隆元祐眉山賜翰同佳話千秋猶
在口遭逢今復有韓公

其八

雲漢昭回日月華無雙經學帝心嘉石湖空有
淳熙筆但說山川未足誇宋孝宗書石湖二字賜
范文穆公成大不過表

其九

金榜新懸在畫堂雙鈎御筆供中央還將墨本
藏高閣應有榮光燭九閭

其十

韋公相業一經長此後恩波未易量行見天
書題署徧堂名舊學閣明良宋孝宗賜史魏公浩
書堂名舊學閣名明

良慶會

和史胄司學士慈悲庵諸處遊覽韻

選勝郊遊瘦馬遲西風木落鴈來時酒徒聊共荆
卿飲秋氣遙含宋玉悲黃菊再逢青鬢短白雲常
負碧山期閑齋獨對寒燈影手剔殘煤自咏詩

其二

城隅聯袂踏莎行葭渚蕭蕭狎鷺盟泉冷龍湫僧
院廢園荒金谷蔓烟平楸枰落子聲逾靜時蓼洲芝
田對奕
玉笋飛觴氣自橫樵唱夕陽牛背笛林間餘響尚
丁丁

大丞陪祀恭紀

穆清 九廟雉門東禮備冬丞盱響通 鑿輅謁

陵鷄塞遠上公攝事駿奔同

上東 時
巡遣官恭代

舞干合樂陳丹陛蕭火升香繞闕宮侍從廿年慚
竊祿潔齋劔佩共趨風

午門頒曆恭紀

蒼龍闕下集簪裾鳳曆頒來拜捧初欽若早聞義
叔命始和還布大撓書璿璣測驗依天紀玉琯推
移得閏餘慙愧白頭金馬客廿年待漏冷銀魚

題史耕巖學士下直讀書圖

竹梧池館畫簾虛插架牙籤校勘餘謾說風流誇
小宋但圍紅袖著唐書

其二

退食從容下直廬一池花影漾芙蓉已窺延閣琅
函遍還讀家藏舊賜書

其三

阮何風貌黑頭公棐几丹鉛滴露江表士奴猶親
博輿捧書侍立畫圖中

雪後携幼子鎮郎負暄窗下

炙背南榮暖勝綿閑携穉子戲窗前呼童掃雪開

三徑乞火烹茶過二泉隣樹葉凋巢影出簷花霜

落竹枝鮮水仙本是江鄉物插向銅餅映日妍

題同年李公凱松陰讀書圖

奏賦彤墀識面初廿年朋好半凋疎披圖依舊

髯如戟一卷松風鶴夢虛

其二

同直金鑿已十年一官不調互相憐知君晚福徵
豐下愧我衰慵似柳眠

同州守金道騶之官徵詩贈之

聖主求寧西顧憂循良

特簡牧雄州

上念秦晉時

要地自州郡以地當馮翊推三輔同為漢人擁朱

輜領上游民氣漸看榆社樂吏呼應免石壕愁知

君奏家牛車集爭誦免寬治績優免寬為左內史即同舊治也

入朝口號

月白城頭鴉未啼馬蹄得得起朝鷄廿年簪筆慙
無補三字冰銜冷自題潘岳髻凋安拙宦嵇康性
懶愛幽棲只應歸老南山下抱犢江村把一犁

臘月曉入直

禁城初啓接輪蹄街鼓聲稀曙色迷幾點疎燈龍
尾上一規涼月鳳樓西口脂面藥承新澤紙帳梅

花憶舊蹊濫侍螭坳幾廿載郎當衰髻尚羈栖

歲暮感懷

潦倒冰銜已十年宦情懶似柳三眠鷄知斷尾難
登廟鼠為拖腸不到天老去田園新活計閑來翰
墨舊因緣曆頭檢盡成何事又覩椒盤臘味鮮

送龔節孫通判錦州

地自陪京重人傳別駕來鬱葱占王氣叅佐得英
才驥足騰驤展屏星道路開虔刀頻拂拭公輔早
能裁

黃門馬薊原屬賦難兄允秀處士輓詩

黃門雪涕脊令愁為述平生淚欲流華萼忽摧同
被冷鴈行中斷對床休俠腸季布千金諾豪氣元
龍百尺樓處士人倫垂世範不須零落痛山丘

臘月杜少書來并示見懷之作賦此奉答

不見袁生已一年雙魚千里托瑤箋懷人詩有停

雲妙引疾心因誓墓堅書中有轉假語冰雪他鄉驚歲晚

笑談良友憶尊前五湖余亦思歸切此後山川益

渺然杜少家東明去雲間二千里

對燭花感賦

燈花太喜此黃昏豈有春風到雀門久笑挪揄從

路鬼肯將得失問乾坤乾螢伏案嘗相守宿火圍

爐且共溫寄語天公休簸弄廿年消盡杖藜痕

送李天閑之祁王乃明之汾陽令任

聯翩出宰去京華還憶當年擁絳紗荏苒霜毛愁

點鬢參差花影喜排衙并州山色褰帷落汾水秋

風蕩槩斜知爾政成同保障行看鳳紙錫天家

歲將除矣獨坐亭中慨然有作

獨坐危亭見遠山悠然意與境俱閑誰家爆竹驚

殘臘且酌屠蘇醉客顏餽歲他鄉看節物吳蜀風俗晚歲

相與餽問謂之餽歲買獸老子任癡頑范致能有一年過眼

嗟何易難得官成似九還

其二

他鄉風景逐年殊守歲京華五載徂
冷宦迎春無煖意舊桃餞臘換新符
家家擊鼓通宵樂院院燒燈萬戶娛
養拙不求如願事灰堆隨例打來無

吳中

風俗除夕持杖擊壤以祈利市謂之打灰堆本彭蠡清洪君如願故事

除夕獨酌對盆梅

閑門度歲似僧關賴有寒梅伴客顏
臘酒細澆生菜甲春燈低映小屏山
天涯節物頻仍換故里鶯花取次斑
留滯一官嗟晚晚五湖孤負舊烟鬟

畫舫齋詩三集卷一

畫舫齋詩三集卷二

起已卯正月
盡五月

雲間王頊齡瑁湖著

已卯元旦 太和殿朝賀恭紀

鳳紀億千萬歲曆龍飛三十八年春小臣何幸逢
昌運元會同來拜 聖人丹陛日華迎綵仗玉階
仙樂動韶鈞獨憐廿載螭頭客幾度青陽白髮新

春正三日東川招同年小集漫賦

辛盤歲歲老龐開

每年三日雪崖置
酒招同年團拜

此日君先召

客來一室團藥仍舊侶三朝節物逗春梅藏鈞奪
馬爭離席北酒南烹筴舉杯到處為歡萬事足踏

歌還逐看人回

元夕前四日華隱招同人集飲漫賦

上元節近放金吾良友開尊倒玉壺四壁花含千
樹白三杯酒賭滿盤盧春宵踏月攔街唱醉眼看
人脫帽呼小戶却輸無半合猶能堅坐伴君娛

元夕 暢春園東門早集恭紀

晨鷄初唱月猶高元夕簪裾集眾曹四野星光聯
御苑一條燈火接林臯傳柑戚里開瓊宴走馬
天街簇錦袍是日皆
衣蟒服時際昇平多樂事九衢簫管
徹雲璈

送宮贊宋葯洲扈從南巡閱河

禁城春色正芳菲嚴馬風流從六飛紫塞轉輸

來錫命先以運餉
塞外優敘宣房扈蹕有光輝時依鳳

船穿花渚每傍鸞輿歷翠微應詔定知多著

作雲烟落紙不停揮

送薛澱二弟扈從還吳

年來屢發田園興日日思歸未得歸喜爾新恩

隨豹尾引余舊夢返漁磯青山到處陪金輦春

晝還鄉耀錦衣莫羨枚臯才思敏摘毫應詔手

如飛

春日偶咏

咬春過後逢燕九又見他鄉節物新留滯一官歸
未得梅花虛度故園春

首春即事

春城又遇落燈天御柳禁寒怯逞妍詞客紛紛誇
扈從羈人黯黯獨愁眠無能且喜居閑地行樂還
思逐少年祇有君恩難報答遲迴未得賦歸田

廟市買紅桃歸作

天桃約綽傍香臺早得花師着意催紅暈半嬌如
有恨絳唇一點為誰開渾疑西子朝酣後絕似楊

妃春睡來無計消愁聊復爾南窗還有兩株梅

其二

北地風寒草未芽小園桃杏尚含葩人工欲奪天
工巧正月先開二月花若比紅兒應不媿即看絳
樹亦同誇魏文帝與繁欽書曰今橫陳四壁供幽
賞春色江南未覺賒

懷歸

冷暑浮沉二十年毳毼白髮已盈顛倦禽無力惟
思退老馬安驅自不前楊子談玄原寂莫嵇生好
懶托神仙算來長策歸耕好尚賴先人有薄田

仲春陪祀 文廟恭紀

上丁釋奠 命元臣濟濟衣冠列搢紳殿上 御
書瞻鳳藻庭前古栢作龍鱗文留石鼓千年舊聲
協金絲萬代新憶自曲江初解褐忽過二十四番
春

社稷壇陪祀恭紀

先師方釋奠 社稷又春祈五土封猶古三牲禮
不違栢松壇樹迥風雨地靈依億載馨香遠豐登
遍九圍

二月九日曉入直廬遇雪

春雪悠揚下玉墀直廬曉入點霜髭 六龍親歷

金隄上萬姓欣瞻 翠輦時 聖駕閱河南巡 聖

政紀來高二曲瑤函捧處仰疇咨小臣何幸叨簪

筆只恐無文愧職司 時同少詹徐果亭 前輩修起居注

花朝前三日竹窗偶作

雪後春寒風色驕眼看佳節又花朝丁香嫩紫猶
含藥楊柳嬌黃未上條木榻清虛聊偃仰竹窗幽
雅漫逍遙遷除懶問朝中事頻喚樵青灌藥苗

探園中桃李

問訊園中桃李顏偶移步屨啓松關春風綠染庭

前草霽雪青浮閣外山懶性日惟支兩板麗詞或
可付雙鬟此生家好是閑適未信人情不愛閑

花朝

花朝燕地尚無花兀坐荒齋與轉賒風動綵繒寒
料峭是日俗以五色綵繒掛樹烏啼簷樹語周遮閑摹古帖消
清晝獨上層臺望落霞眼底三春歸已半宦游那
得不思家

稍喜

稍喜居幽僻喧囂遠市聲抗懷成獨往懶性畏將
迎薊北花遲放江南草怒生遙思故園裏春鳥正

飛鳴

春分前三日風雨連朝獨坐偶作

東風料峭簾旌下小雨霏微齋閣前來日正看朱
鳥宿今朝已是落梅天愛閑官職何妨冷養性琴
書自有緣買得幽蘭香滿袖軒窗几席盡芳妍時買

草蘭種磁斗
中置几案

其二

春光九十去逾三惻惻輕寒柳未絀短鬢生華淹
薊北畫船聽雨憶江南看花有興聯遊騎時約友
西山看
花中酒無聊類卧蠶何似抽簪歸舊業黃鸝啼處

把雙柑

春分日口占

一望青畦剪剪齊和風拂處酒帘低庭前桃萼經
時綻墻外鄰鷄向午啼鬪草人歸逢社雨穿簾燕
去落巢泥春光過半無聊甚獨檢詩牌信手題

大風雨沙春意索然率賦

檐外桃花紅破萼堦前草色綠欺袍社公不放春

田潤社日兩名颺母空聞白晝號聊凭熏爐看睡

鴨閑披絹素點霜毫忽息峰泖遊人集盡舫青簾

水沒篙

見鎮兒為竹馬戲

窗前嬉戲我驕兒截作篋管學袞師見爾聰明開
笑口不妨老子髻成絲

此日

此日江南鶯亂啼青山繞戶野軒低裙腰草沒桃
花岼鴈齒橋平楊柳溪幾處吳蠶方上簇誰家海
燕正啣泥若為留滯不得去拋却春光谷水西

春山竹枝詞八首

泥金衫袖水沈熏蟬翼輕分兩朶雲齊上游山春
艤子青油簾裏隱紅裙

其二

幾曲紅橋映柳堤清歌檀板咽前溪泥車瓦狗堆
山店買得歸來日已西

其三

紅花獵獵菜花黃正是江南春晝長燕子雙雙鶯
作隊相邀女伴去燒香

其四

玉筍山頭帶土黃新茶廟後摘來香至今粗妝眉
公印誰識頑仙宅已荒

眉公餅至今猶傳頑仙徵君廬名

其五

蕭相藍田有舊莊少時曾記繫游航回廊千尺依

山轉怪石亭前樹百章

余山有徐文貞別業亭名怪石供

其六

干將石上紫苔蒼猶是吳王射雉鄉桑柘陰中春
社散紙錢飛過乞花場

陳徵君結茅小崑山祀二陸乞四方名花植于堂側

名乞花場

其七

平原村下水灣環名士堪悲嘆鶴閑黃耳塚邊青
草沒

相傳有黃耳塚

春風依舊陸機山

其八

橫雲石壁削青蒼石名小內史家山草又長橫雲山有

陸雲重向麗秋堂下過已將伎館屬空王山下向

故宅園堂名麗秋今已廢為僧舍

題錢太僕再亭寄園圖園為太僕婦翁吳公舊業已再易主

太僕規還加葺繪圖索賦

季子當年巖壑成名園復反似初營冰清玉潤相

輝映紫燕黃鸝自送迎崇讓尋春花再發嵩丘懷

舊月重明披圖恍對湖山面應識湘靈有勝情

讀白少傅集有感口號

集賢潦倒一緋衫唐制五品官衣緋白髮蕭蕭瘦似巖何

異樂天嘲太祝十年不改舊官銜余官講學已十年矣

其二

曼容自免六百石陶令居官不半年最愛白公詩

句好緋袍着了好歸田

上巳前三日偶作

連朝撲面有風沙未放庭堦一朵花頭上素絲干

丈落眼前春色二分賒冷曹似水安心竟美酒如

油醉態斜高卧不知遷轉事朝中若箇聽黃麻

西窗

門冷無殘客官閑似散人擬將詩送老兼賴酒消

春雨潤桃花嫩風搖蕙草新猶愁鷄肋絆未得採
江蓴

念吳越山水

桂子三秋誇越郡紅橋四百說蘇州少牽場屋無
由到老作官身不暇遊千里家山空對月數年踪
跡倦登樓何時拋却朝衫去蹋遍江南水與丘

清明前三日雨雪交作獨坐無聊閒吟遣

懷

秦娘橋外綠蕪平蘇小門前桺喚鶯如此風光竟
拋却蕭蕭雨雪近清明

春日懷鄉中景物

潑刺黃魚初貫桺撇嘗綠蟻正盈缸梅花過後桃
花艷又聽交交鶯語雙

題家虹友寫真

門傳鈔鏤相公家滿座貂蟬七葉誇家愛當年何
幼道名高第五謝紛華

其二

十子江東舊有聲杜家中弟寂知名錦囊裝得詩
千首不羨通侯萬戶榮

其三

六尺簞邊無長物數枝菊影有餘姿旁畫奚奴擔菊誰能會得先生意只詠西田穫稻詩陶公有西田穫稻詩虹友家有西田

別業

其四

天寶詩篇推杜老襄陽耆舊數龐公藥鑪茗椀風流甚更有何人似此翁

其五

方瞳綠髮地行仙一幅生綃顧陸傳白恰蕭閑名士態那知褒鄂畫凌煙

寒食

禁烟節物又今朝細柳搖風過板橋榆火一年逢熟食杏餠三市聽吹簫西山紅藥開猶懶東觀青綾冷未消遙想江南爭望幸花光草色十分饒

清明日作

帝城風暖弄晴暉九十春光大半歸楊柳村中帘影颺馬塍花下紙錢飛游蜂隊隊迷香徑戲蝶翩翩褪粉衣鷺見壁車人上冢松楸空恨六年違

出署偶作

春色行將老人間事日多濯花呼便了便了見對月飲無何袁種謂盎曰南方卑濕答颯安時命范

誚鄭鮮之曰卿與傅謝俱有功關踈慵任嘯歌浮
浴卿居僚首今日答颯去人遼遠

生真草草我意在巖阿

齋前山桃二株盛開是余三年前手植
兩株桃樹一番新來伴西窗孤客身幾度花紅似
人面不堪人老對花神樽中黃酒鶯兒泛屋上青
山螺子顰獨坐攤書消萬慮熏爐茗椀自清真

季春望日偕同年李公凱汪東川曹蓼懷

沈東田同館史胄司徐子貞與勝寺看

杏花

春光暖艷麥畦斜結伴來尋古寺花柳葉陰中聞

布穀杏林深處飯胡麻摩挲銅狄趨仙觀

元福宮看宣銅

鑄像披拂松風坐軟沙

昌運宮看古松

歸去一鞭西日下青

山數點暮雲遮

其二

三年前在此啣杯轉眼春風過幾回

乙亥三月陳乾齋庶子招

飲于紅杏一林依舊笑青絲聯騎又重來韭花鷄

臙隨人具諸公各茗粥香醪到處陪茗粥見那有

閑情如我輩僧寮羽觀儘徘徊

暮春偶感

浴堂十度見花紅依舊頭銜鬢已蓬自分支離如

散木安能屈曲學屏風春貪社酒千場醉老覺浮
名萬念空更喜青山時入夢五湖烟水浩無窮

示鎮兒

官閑退食坐窗東聊弄陶家小阿通搏鳳蠟珠思
自巧塗鴉紙筆費將空抱兒置膝王懷祖折齒為
牛齊景公何日南還樹桑果分甘割味樂無窮

和汪同年興勝寺看花五十韻

餽粥清明後新茶穀雨前江南好風景薊北正芳
妍步屨西郊路聯鑣曲水韉綠楊枝嫋娜翠羽影
蹠蹠繡陌平如掌周行直似弦風輕搖細麥沙軟

趁連錢屋角花光貼壚頭酒旆懸誰家茅屋淨幾
處槿籬偏流水平橋外遙山別苑邊晴雲浮絮

白曉露濕花娟路口三义出莊名八里沿紆威來

古寺取次謁諸天興勝精藍舊園林紺宇連入門

迎野衲解帶愛逃禪杏圃葩千樹山亭突一拳馬

嘶鄰院柳犬吠隔溪烟盤礴憑欄憇流連藉草眠

林間遲友至門外喜車闌把臂逢中散登樓有仲

宣人俱金馬舊數恰建安賢席地花茵軟開尊酒

色鮮肴陳黃頷臙盤列縮頭編米糲虞棕法萍虀

石尉傳牢丸開士餉蟹眼小溪煎玉筍抄雲子銀

瓶嗽井泉相將登遠阜更與踏前川興極探幽勝
情高愜靜便勝朝留鶴觀昌運托金僊昌運觀名敗壁

蝸殘粉危簷雨壞椽但餘松百尺且喜種千年艾

納霜皮裂龍莖翠蓋圓風翻濤鼓盪龍攫勢飛鸞

泰華神曾聳昔遊泰山見五大夫松華山見五將軍樹皆奇絕幽燕意復

遷剔苔看石碣携手話桑田客說摩訶好摩訶名車

回稻壠穿已公庭自潔般若語尤玄留客開茶竈

看花踞壠巔千株香並艷萬朶雪堪憐洗盞長瓶

倒臨風短髮卷笑談悲世態恨事感遺編自昔熹

宗季惟聞常侍專生前狐假矣死後塚累然此是

維摩地何來張趙阡岡下多明季太監墳不須論朽骨且共

醉春筵斜日光將斂諸公興尚顛更尋元福觀再

拍化人肩金狄摩挲以銅羸宛轉牽銅圍人牽一銅羸宣德年

鑄伽藍存舊物金粟悟前緣去去衝鴉陣行行策

馬鞭三春多笑口屬和寫新篇

丁香花下作

九十春光漸漸賒雀羅門巷靜無譁睡貪紙帳三

竿日起對晴窗百結花人呼丁香為百結花翠朶西山呈萬

狀梵音鄰院聽三車閑中景物差堪會不羨鳴騶

列戟華

和沈東田庶子與勝寺看杏花用東坡和

蔣夔寄茶韵

吾生大有山水緣一丘一壑性所便東華軟紅非
不香自愛雲霞致澄鮮三月正當月三五約訪古
跡來林泉杏花千林十分放况有好鳥聲清圓風
光駘宕地閑美景物何異遊斜川共藉芳草陳蠶
榼奚必水陸張華筵長腰白飯花豬肉足令僧雛
流饒涎餘興騫騰猶未已祇林鶴觀恣搜研贊公
房後土岡上俯視花海開年年安得徐熙圖落墨
并使弄影歌張先對此令人不肯去蕢酒尚有青

銅錢咄嗟世人徒碌碌蠅頭名利相微纏當前豈
無四難并此生安用百憂煎何如花時一杯酒聊
復中之追前賢心似古井無波瀾眼同不夜消姍
妍及時行樂適我志不勞肝腎空雕鐫

壽史胄司學士母吳太宜人六十

鍾郝風徽號女師延陵門閥切雲達早班命婦朝
興慶又見賢郎領鳳池鈿軸雙盤鸞五色霞漿初
捧玉千卮養堂重覩衣冠集金紫雍容受拜時

其二

燕喜秋高獻壽杯黃封賜醞玉堂回宣文絳幔傳

經接燕國金桃應兆來用陳堯佐母夢食金桃事千里湖邊萼
正美大坏山下菊初開笑看百歲方周甲樂奏鈞
天鳳管裁

再疊東坡韻東東田庶子

風塵汨汨羈俗緣誰其灑落得靜便劉伶曾為荷
鍤飲陸生解橐數擊鮮不爾且為蠟游屐上蹋怪
石吸清泉城西古刹有興勝杏花作團樹影圓携
壺共醉芳顏下豪飲直似鯨吸川雄談快論空萬
古何必絲管張玳筵萊鷄真非共縷切調齊醯醢
酸生涎席上有真韭萊鷄甚佳更看寒具重羅麵雪白塵飛

萬杵研昌運宮中松五鬣種來已是幾百年聞之
遊興更踴躍驅車轂擊相爭先眼前佳景無不有
清風要買何須錢但得勝情無俗韻閑從布鞵青
行纏摩訶庵中僧解事龍團餉我活火煎屋後杏
林花似海相與共賞追七賢藉地傳觴日欲落花
光孃孃增芳妍手磨岡頭一片石題名共揭青瑤
鐫

四月二日李孟績農部招同同年汪東川

祭酒劉元嘆樞部下芝亭憲副飲寄園

和芝亭韵

綠肥紅瘦餞春時天氣清和日景遲黃鳥多情求
故侶白頭無地報恩知醉來思卧平泉石興至頻
吟水部詩家夢藏烏舊楊柳小闌干外一絲絲

再疊前韻東孟績農部

草木扶疎首夏時紫藤初發未嫌遲西園公子多
才思北海尊壘有舊知飛絮亂飄簾外柳拂塵重

讀壁間詩

壁間有
余舊句

安昌門下彭宣老廿載羈縻兩

鬢絲

送熊大司空蔚懷請告歸江右

辭榮年未及懸車為愛林泉賦遂初囊有賜金疏

太傅池多脩竹白尚書滕王閣上時携屐孺子亭
邊好結廬盡說東華香土樂西江風月又誰如

三疊前韻和東川心遠堂感舊作

曲江宴罷綴行時玉筍班中駑馬遲曾荷噓枯瞻

帝笑却因捷足負師知

子丙辰選館引
文勤師奏薦以起立稍

遲故不得吐茵每醉平津閣玩景常吟綠野詩重到山

亭花似昔不堪話舊雨如絲

四疊前韻酬孟績農部

心遠堂中話舊時飛英滿院悵春遲西州醉起羊
曇恨楚相廢為優孟知花下過從惟故客尊前酬

和有新詩折腰小草君應懶我亦息歸把釣絲

四月九日第五子生漫賦

充閭佳氣慶蘭枝慙愧義之又有之家乏李衡千
樹橘生同陶令五男兒筵開湯餅金錢浴門設桑
弧繡祿垂養子誰云萬事足經營婚嫁畢何時

其二

愧非老鳳又將鸚鵡祿擎來掌上珠第五聲名須
不負小同降誕本無殊與余生同月洗兒先祝安愚魯
跨竈何心望過胡他日歸與三徑在候門稚子不
愁無

東川感賦牡丹詩索和五疊前韻酬之

竒蘂無雙擅一時春風何事獨開遲天香自被東
君賞國色曾邀世主知粧鏡臺前妃子印金花箋
上謫仙詩洛陽名種姚黃進莫漫憑闌感素絲

六疊前韻酬東川思歸作

卓犖君應佐聖時才華况復似丘遲頻年京洛閑
居過樂府旗亭畫壁知花月銅街多勝日倡酬金
谷有新詩宦游我亦風塵倦同向秋江結網絲

余既和東川思歸詩復疊前韻以廣其意

吾生富貴待何時及至來時亦不遲大倚伏中多

物變小迴翔處少人知一官難似三山草余需次亦三年
萬戶輕於千首詩且共逢場聊作達莫教空化滿頭絲

八疊前韻感舊貽東川

曲江何幸得同時廿載風塵退鷁遲游宦略如牛
馬走校書曾被 袞龍知余與東川同被命揔閱通鑑講章特荷 褒

綸燒燈泥飲頻衝黑側帽看花共詠詩此日居然
成二老飛綿又見柳如絲

九疊前韻訓東川 天壇道觀看牡丹因

憶往事有感

故人招我看花時鶴觀紆威去馬遲前年麗雪崖招看常鍊師

東園牡丹兩度春光真可惜一欄紅藥有誰知因君忽

憶朱陳舊來詩有念座主沈文恪公句文恪與余有秦晉之好和韻新傳皮

陸詩猶記聽琴依藥竈廿年贏得鬢成絲花主人高鍊師

善琴二十年 前曾見之

十疊前韻訓東川重過高鍊師山房話舊

作

昔年曾忝奉常時每宿齋宮聽漏遲香篆爐烟秋
院靜月移松影夜窗知春風幾換顛毛雪塵土應
埋敗壁詩潦倒不堪重問舊漫拈湘管寫烏絲

十一疊前韻酬東川念座主沈文恪作

休文夔客著當時獎借人倫意恐遲有子已如蘓
許國薦賢真似魏無知進來家帖龍蛇筆賜出

宸章蘭雪詩

上南巡時文恪季君恪庭庶常進
公墨蹟特賜清風蘭雪四字

猶幸康成同話舊山房重到淚垂絲

四月望後二日沈東田庶子招同人泛舟

東便門新河兩阻汪東川祭酒作詩索

和即次來韻

頻年夢想釣魚舟聞鑿新河接

御溝準擬携壺

同泛淶何來急雨欲生愁望晴且喜聽簷鵲擊汰

還思倚舵樓至竟不如歸去好烟波自在五湖遊

送同年徐華隱閣學請告還里即次留別

原韻八首

學士抽簪返舊磯河橋折柳思依依草麻北闕

留椽筆祖帳東門對夕暉栗里孤松陶令去鑑湖

一曲季真歸青山到處濃於黛脫却朝衫入翠微

其二

絲綸閣下耀華簪舊日飛揚翰墨林西省吟成紅

藥放南湖歸去碧波深懸車優老君臣分贈策歌

驪寮友心獨有白頭供奉客十年金馬尚浮沉

其三

鳳池同日荷 皇恩珥筆相隨躡 禁門我滯土
牛安守拙君 叅鈞軸被春温 曉鐘每見披星入夜
雨常偕剪燭論 宸羨東還如內史 分甘膝下繞兒
孫

其四

問事長頭每有徵 當今博物讓君能 詞壇虎視千
夫避筆力龍文 百斛勝七子 鴻篇推祭酒 徐幹為
軍謀祭
酒搽 六朝麗藻數徐陵 惜分無限離羣感 析義何
由得面承

其五

憶昔蘭臺共校書 才驚班馬志河渠 西清香散芸
編裏東壁光分藜 火餘命薄平生悲 墮溷宦成此
日羨焚魚看君料 檢歸裝少襍 被蕭然意晏如

其六

若論致事尚須年 請急還山意確然 少伯藏名思
泛宅張衡久宦賦 歸田巖花林鳥新 求侶酒醞茶
鐺舊有緣 谷水鴛湖原接壤 便期同上采菱船

其七

五十人同拜 紫宸簪裾聯袂 一時新銅街並馬

看花晚 金闕朝天待漏晨
分局校讎趨走密擘
箋題詠笑言親頻年聚散參商隔感舊當筵倍愴
神

其八

葵榴花發正端陽三徑遙知未就荒送客綠楊千
縷結懷人明月一庭方思錫邑諸子也裴休宅畔聽僧粥
陸贄橋邊繫野航赤日東華塵袞袞何如跂脚傲
羲皇

華隱治裝未發再疊前韻八首

舊業南湖有釣磯宦遊京國廿年依芙蓉闕下拋
華絃烟雨樓前弄夕暉尊酒若為千里別林泉真
見一人歸八騶衣錦還鄉樂携得天香出紫微

其二

西清學士解朝簪倦鳥翩然返故林戀闕祇因傾
日切結廬惟愛入山深辭榮碎穀留侯志知止懸
車疏傅心舒卷浮雲殊自得不從簾肆問升沉

其三

六載樞機荷 聖恩常時奏對浴堂門叅知黃閣
絲綸重 顧問彤扉 笑語溫筆灑珠璣天上落
黨分洛蜀席前論上問洛蜀黨事學士奏對甚悉西京遺事誰

人記書補龍門褚少孫

其四

海內賢良特 詔徵博聞強識羨君能五行志失
心成誦三篋書亡對自勝掉鞅詞壇才跋扈舉旗
文壘氣憑陵蘭臺史筆推宗匠班馬於今有繼承

其五

學士祖尚書公舊第在湖
上令嗣今官內丘令并賦

駕湖甲第數尚書奕世聞孫領石渠有子才堪三
輔長傳家澤自百年餘日邊已覩徐卿鳳池上還
觀范蠡魚轉眼花封袞異績生兒真是仲謀如

其六

虎觀追隨二十年知君宦橐本蕭然平生不種江
陵橘歸計誰謀陽羨田笑引溪山爲勝侶閑携琴
鶴作良緣綠簑倘許同垂釣好趁秋江鼻嘴船

其七

春秋休沐下 楓宸到處閑遊物候新道觀每偕
吟月夕僧寮常共看花晨朋因耐久情偏洽交爲
忘形意獨親手折將離方贈別蕭蕭班馬欲傷神

其八

歸旆飛翻襯夕陽青門祖道野雲荒丹榴紅藥花
交映薊北江南水一方進退士林關大節往來茗

嘗有輕航故園松菊應無恙栗里淳風似上皇

聞棗花香偶作

數弓闌藥足徜徉小院深深夏日長
跂脚北窗空萬慮風來一樹棗花香

五月六日余嶠洲潘雪石宋谷懷三同年
招陪徐華隱閣學於趣園適以他阻未

赴賦此志謝

名園祖席集朋儔牽率偏余阻獻酬未得追陪良
宴會空教悵望好林丘愧非武子虛賓坐竄惜南
皮負勝遊聊托短箋期後約他時有酒笑髡留

仲夏十日小窗獨坐作

綠樹濃陰滿院風匆匆節序過天中
賣來芍藥街頭少又見榴花照眼紅

南窗睡起有作

南窗晝永小如年高枕華胥一晌眠
庭樹漸移西日影茶聲初沸北山泉
舊書有味還堪讀故友云
已絕可憐時聞義山之逝何待槐安當夢覺方知名利等

雲烟

恭頌

聖駕南巡閱河省方詩十章

序頌別見

帝軫民艱出 紫宮隨刊 鑿輅歷淮東金隄不
數宣房績玉簡親平洪水功從此一方歌旣宅早
看四隩誦攸同史臣若譜河渠志籌畫原來本
聖衷

其二

萬方尊養悅 親心特奉

慈闈郡國臨鳳艗龍舟春浪穩青山紅樹碧雲深
克諧遠媿重華孝思媚長流太妣音敬合懽忱將
壽母普天同慶徧謳吟

其三

治水親勞 翠輦行江東望 幸迓龍旌迎鑾共

識

天顏喜夾道爭依綵仗明擊壤堯衢歌帝力咏詩
復甸見民情懸知

聖澤如天大故使葵傾化日誠

其四

鳳紙蠲租歲歲傳德洋恩普樂堯天欣逢 時邁
施弘澤又覩寬逋自積年桑葉蠶眠連曲薄麥花
風暖滿春田石壕不見追呼吏野老婆娑社酒前

其五

淮揚水患憚人哀鳳泗連年遇潦災幾度
皇心垂曲軫十行 恩詔聽重開 賜蠲奚止田
租半平糴還留漕粟來共喜東南民力裕閭閻熙
皞躋春臺

其六

宥過爭傳

聖主仁一時湔洗及諸臣 盛朝寬大容牽復守
土懽呼許自新却似病禽生羽翼恍同枯木遇陽
春從來霆露皆天澤激厲裁成感化鈞

其七

矜全庶獄 命時申 鳳輦經過渙 紫綸泣罪
下車符禹德肆青解網頌湯仁膏流犴狴春風滿
草茂園扉玉露新刑措萬方登樂壽金鷄竿下鮮
寃民

其八

鹽筴由來佐國儲司關周禮有成書重農抑末原
常制減課寬商恤化居山海地多弛厲禁懋遷人
獲利贏餘羣歌樂土舟車集自見 熙朝民力紓

其九

聖世崇儒文治昌穎宮芹藻自生香管絃化洽明

經彥雲漢歌成造士章濟濟青衿爭鼓篋鏘鏘逢
掖滿膠庠共知廣厲群才意報 國應思被澤長

其十

虞帝書傳四岳巡周王詩載翕河新春遊秋豫咨
民隱就日瞻雲拜

聖人賜及高年行慶典恩加蔀屋布 温綸謳歌

何以酬

明主共祝無疆億萬辰

畫舫齋詩三集卷二終



原件短缺

四集一六集

